

WEEK 16 - HERHALINGS VAN BERIGTE/INLIGTING IN 'N VORIGE VRYPOS


BEDIENINGSBEGELEIDING

NETWERK: SPIRITUALITEIT

Retreat vir leraars en gades saam met dr Willem Nicol

Datum: 1 - 4 Augustus 2018 (1-3 vir leraars & 3-4 vir leraars en gades)

Plek: Menuha Retreat Sentrum



Dr Nicol se boek, *Oop vir die oomblik*, sal as basis dien vir hierdie retreatgeleentheid. Dit sal uit **twee afdelings bestaan**:

1. Woensdag 1 Aug tot Vrydag 3 Aug: Dr Nicol hanteer die tema, *Oop vir die oomblik* - [slegs vir die leraars](#).

Koste: R550pp

2. Vrydagaand 3 Aug tot Saterdagmiddag 4 Aug: Hierdie geleentheid is vir die [leraars en hulle gades](#), aangebied deur dr Nicol en sy vrou.

Koste: R365pp

3. Leraars en hulle gades is welkom om nog langer aan te bly tot die Sondag.

Geen formele program sal dan aangebied word nie, net 'n saamkuier om die natuur en stilte van Menuha geniet. Dit sal dan 'n *self-catering* geleentheid wees - alle geriewe is beskikbaar. Die koste hiervoor is R200pp (slegs vir die verblyf).

Daar is beperkte plek beskikbaar, bespreek dus so gou moontlik - **sluitingsdatum is Donderdag 31 Mei 2018**. Kontak vir Robbie du Toit op 084 401 6117, of stuur 'n e-pos aan robbiedutoit12@gmail.com

GEMEENTENUUS

Beide gemeentes in Odendaalsrus bied 'n Jeugfees aan: Dit vind op die sportgronde van die Hoërskool Wessel Maree plaas en **begin om 09h00** (dit is 'n Publieke Vakansiedag, gaan ondersteun hulle gerus!)

Odendaalsrus Jeug Fees

- Kom Oud en Jonk na die fees en geniet van vroeg tot laat aand
- Verskeie stalletjies om van te kies en te keur
- Speletjies en kos stalletjies
- Die jaar gaan ons groot

Vir bespreking van stalletjies
Kontak vir Eben Schlechter
by 0834614104

16 Junie 2018

KONFERENSIES / KURSUSSE

Mission Express Retreat, Bloemfontein (Fresh Expressions):

Die meeste van julle het al gehoor van *Fresh Expressions* (vars uitdrukkings van kerkwees) en hoe inspirerend hulle vars aanslag van kerkwees is wat die volgende generasie weer opgewonde kan maak oor die kerk. Normaalweg is daar 'n koste verbonde aan die opleiding, maar ons het 'n verkorte opleidingskursus saamgestel met maksimum impak om die koninkryk te bou. Die enigste koste is die bordjie eetgoed wat jy saambring om rondom die middagete-tafel met mekaar te deel. Die kursus is oor drie sessies deur die loop van die jaar versprei, sodat dit makliker hanteerbaar is - slegs drie Saterdag.

Die eerste sessie is weer op Saterdag 21 April 2018 herhaal. Die ander sessies word aangebied op die datums op **bygaande advertensie**.

Dit is nie gekoppel aan 'n spesifieke denominasie of genootskap nie, maar saamgestel vir alle kerke om dit aan te neem en tot hul voordeel aan te wend. Bring gerus enige een saam sodat hulle toegerus en geïnspireer kan word om die koninkryk en kerk te bou op nuwe maniere wat mense op vars maniere sal bereik. Die voortbestaan van die kerk hang van hierdie inisiatief af. Lees gerus ook [hier](#) 'n berig oor *Fresh Expressions* wat onlangs in e-Kerkbode verskyn het.

| | | |
|--|--|---|
| <h2 style="text-align: center;">Mission Express '18</h2> <h3 style="text-align: center;">Bloemfontein</h3> | | <p><i>What is God's Mission & Purpose for me now? How do we shape the church for the future? Discover your REAL you & Become your best!</i></p>  |
| Topics to be Covered <ul style="list-style-type: none"> • Real experience • Real connection • Real worship – real life • Real change – really hard, really important • Real listening for change • Real gospel – real context • Real Identity • Real disciple • Real church • Real difference | Cost: FREE (Lunch: Bring and Share) Where: Trinity Methodist, 88 Charles Street Time: 08:30-15:30 | |
| | When: 1st Session (Repeat): 21 Apr '18 2nd Session: 16th June 3rd Session: 18 Aug '18 | |
| | Hosts: Rev Christopher Harrison Ds Jean van Biljon Rev Kevin Zondagh | To Register: RSVP by 16 April SMS: D70335 to 31029 |
| <small>Real Jesus, Real Mission, Real Context, Real Discipleship, Real Church, Real You.</small> | | |

Werkswinkel - Traumatic Incident Reduction: Kom leer uiters bruikbare tegnieke om jou te help in berading en lewensbegeleiding, veral met die fokus op die hantering van trauma. Die kursus is deel van *Applied Metapsychology International* se materiaal. Dit vind **vanaf 25 - 28 Junie 2018** by die NG Gemeente Wesselsbron plaas. Die volgende punte kan verwerf word deur dié kursus by te woon: VBO = 20, CPD = 28 en SACSSP = 16.

Koste beloop R4 750pp (sluit middagetes, verversings en materiaal in) en die aanbieders is Yvonne Retief (<http://yvonneretief.weebly.com>) en ds Petri Coetzee. Kontak ook vir ds Petri by 084 207 3508, of p3coetzee@icloud.com, vir verdere inligting, asook die inskrywingsvorm.

Getuienisse van persone wat reeds kursus bygewoon het:

Hierdie kursus het my bekeer van allerhande ander tegnieke wat nie regtig help en die probleem aanspreek nie.

Vir die eerste keer voel dit of ek regtig mense kan help as Predikant.

Ek het geleer, trauma is die wortel van baie gedragsprobleme in ons lidmate en nou kan ek hulle help!

My hele pastorale aanslag het verander. Ek is so opgewonde om meer te kan doen as net 'n Bybelvers te gee en bid.

As maatskaplikewerker is dit die tegniek wat ek seker die meeste gebruik om stukkende mense op te tel.

As sielkundige gebruik ek net TIR vir ongeveer 85% van die gevalle waarmee ek werk.

Brugbedieningskursus: 'n Premierkursus, aangebied deur die Sentrum vir Kontekstuele Bediening by die Universiteit van Pretoria. Hierdie kursus word op twee geleenthede aangebied, die **week van 20 - 23 Augustus 2018** en **5 - 8 November 2018**. Die kursusleier by dié geleenthede is prof Malan Nel. Koste beloop R2 200 (BTW ingesluit) en sal by die UP aangebied word, 70 VBO-punte kan vir die bywoning daarvan, verdien word. **Die doel hiervan:** Wanneer 'n predikant 'n gemeente verlaat, laat dit so 'n gemeente in 'n tyd van onsekerheid. Die pad vorentoe is onseker totdat 'n nuwe permanente bediening weer in plek is. Hierdie kursus poog om Brugpredikante op te lei vir die fasilitering tydens hierdie oorgangperiode en tot voordeel van die gemeente. Belangstellendes kan vir Hesmarie Bosman kontak op 012 420 4952.

